

誠齋集

二六



誠齋集卷第一百一十

廬陵楊

万里

廷秀

尺牘

谷蕭國博

某伏以即辰仲夏之月南風之薰蒸惟景伯國博
卿丈教曾溫栗物望歸赴天棊可大台候動止萬
福某老病餘生乘化歸盡自放自棄之蹟惟恐幽
屏之不遐淵潛之不深姓名不入脩門書問不至
朝貴久矣誠不自意平生故人不間雲泥之異勢
不忘貧賤之素交隨鯉封之斜行鴈鷺鳴之軟語

諏暄涼而訪生死自視陳人何以拜此成均封殖
棟幹之圃也異時位三槐間兩社者孰非由此塗
出願言寶珍之即對赴西崑南榻之除以梯手鑿
坡鳳池之歸也某棄官九年回首雞聲茅店之月
渭城柳色之雨久寄絕交之書矣而三子出仕中
男次公去秋之宮鴈峯長男長孺今茲六月又之
官南浦小男幼輿九月又之官澧浦其勢不容不
東征逐子如曹大家也必不得已從其近者莫南
昌若也又怪暑行冬春之間乃可作汎舟之役耳
來秋次公秩滿來歸老身始有還舍之望兩年之

間未有息肩之期良可憫笑抒謝不莊伏惟財幸
某恭承命戒先國太挽章靜菴記文鹿封破研蠹
蠹管城久矣閔免各細數語以塞盛意公家舊執
當日吾太公望子久矣荷荷

契家台憺即日恭惟受祉山則有之使否願承命
幼興每蒙燕集盛禮以開其客愁而紓其旅頊感
最不淺寄餉水芽當為君開包碾春風煮湯候蟹
眼也正恐無五千卷可搜無十年讀可攬只與杞
菊藟莧腸背城備一耳

答胡左截

某伏以即辰暑雨知時惠鮮秋非恭惟季解判院
鄉丈容與鶯行式法大府天棊勤肆台候動止萬
福某屬蒙便了咏門賜以先集已嘗摧謝小兒來
歸重拜誨帖且餉以黃中龍目離支矜之以爲暑
服則大勝細葛之含風擘之以拈春酒則未減紅
綃之裡玉降拜珍投則百斯感某棄官九年所待
一死自分興長亭短堠永矢絕交矣而三子出仕
中男次公去秋之官長男長孺今茲六月又之官
小男幼輿九月又之官其勢不得不東征逐子如
曹大家也必不獲已姑從其近者近者莫南昌若

也而又未能暑行必也冬春之交乎至來秋次公
秩滿來歸老身乃有還家之望兩年之間未有息
肩之期良可憫笑都內之署相州穉圭蓋嘗居之
矣相業摧興不在茲乎惟珍重以須

答表侍郎

某伏以即辰秋已小立暑猶未退恭惟宮使殿撰
侍郎尊契丈奉瑄祝釐潛天見聖身在霞外望屬
寰中三神扶持台候動止萬福契家玉璫咸應某
昨日有自城中來者得報賜妙帖示教新作家人
卦解義詞約理明如斧折薪如水赴岳二五兩爻

尤為易簡若乘此破竹之鋒不數日可了此八八卦矣何必如某旁搜幽討枉却十二年之燈火乎
掎摭風火等詞皆切中二豎所居者醫和之目那得遁疾當聞而藥之也感極荷極易贊敬為書一通且妄下一轉語又未知道著否晦翁可痛孔堂兩楹遂折其一其閑吾道興喪非細事也亦既遣人弔祭之得其子文之報章矣敢復以為朋友言也願言珍重即看賜環

吞徐用之知縣

某伏以即辰沈礪過中高寒已早伏惟用之知縣

學士寮舊久御祥琴孝思未愍神介台候動止萬
福伏蒙誨帖命戒先丈處士銘章業已宿諾何敢
固辭顧老病微軀文思荒落久矣先是此等文字
多是大兒代作如錢侍郎仲耕孫揆正之父諸銘
吉州誤廳諸記皆其筆也唯莆田陳丞相秉丞相
建昌張彥文尚書新安程給事元成諸公銘詩乃
平生或恩或游之至深厚者不免強為牽課耳今
君房遠出御說去家當徐圖之或親作或令取代
未可約五日一水十日一石也幸小紓之如已就
託黃廬陵轉致差易耳即聽新除

谷廣東雷提舉

某依以即辰廩秋過中顥氣已爽恭惟提舉卽中
契丈玉節光華使星淵曜霜日所映海波不興三
神相之台候動止萬福某老病幽屏死灰不燃平
生故人不待寄之以叔夜之書而庭久無退之之
跡矣契丈盛德無兩高誼寡二獨迂拂天之旆左
顧釣月之灣父老縱觀猿鶴呼舞賢者自為人所
不為野人有以致此客則否矣遣騎墜誨撫存押
至先之以東京之玄纁申之以司業之酒錢至於
寶熏名果重叅照坐落英摘葉頗回生意冷牕東

壁皆作春溫書吏龔生又辱收補槩人支賜月給
其無穎士之才安能使役者見愛而不去非故人
此舉則掉臂在且暮耳多詞不足以盡感之一字
未見願言愛此大業即還第頌之綴慰此老懷
某悚息再拜敬問契家台媿即日涼秋恭惟尊々
幼幼咸集純嘏有委不外大兒前月二十一日已
交職老身就養小須少男冬間之官澧浦然後議
此行其上春之間手令親伯珍近方得書過望過
望

與衡州知府趙判院

某伏以即辰廩秋十半顥氣高寒恭惟判府判院
新拜魚書輟從鷺序高牙乃建幕府初開神天是
孚台候動止萬福某謹齊宿奏記司繫仰惟財幸
某自慶此生親見近世麟趾公姓異人林立時則
有若德莊之詩文時則有若德老之勲賢時則有
若從善之才氣漢之政駿唐之白賀方之褊矣今
又側聞判府判院妙齡蘄然卓詭絕出揮五色筆
草三千牘掃千人軍與寒士一戰而霸姓字聲之
光映千佛名經之中鳴弦壯縣則如來下之馴彩
雉分月名城則如竹西之鴈烏絲晚登春風玉笋

之班已藹秀出班行之譽翩然厭直自詭一麾清
氣開衡嶽之雲高吟動湘江之水借曰遠民之福
其若海內之望青規紫禁式遄其歸子洲所謂可
倚而俟也某老病幽屏姓名不至朝貴之門十年
矣天誘其衷中男次公幸得走趨大府牛馬走之
下陳因之修敬惟一攬而擲棄道旁云

某惶恐再拜僭越敬問台闕玉嫺即日秋清恭惟
尊尊幼幼受祉山則廬陵有可効老聃之役驩以
筮仕云初殊未更事幸得充負衡之安仁監稅仰
事仁賢之主人所謂人皆有一天也情以慶雲照

以德星霑以膏雨舍曾何適矣不勝舐犢之私仰
瀆聽衡之公無任主臣

荅南豐陳宰

某伏以沈疇過中高寒已早即辰恭惟判縣學士
契兄三月報政千室載歌神明扶持台候動止萬
福某敬上記以謝先施未見願言愛重不貲之業
對越選表之除至望跂跂

某間者閑焉久不聞問懷賢念舊一飯無諉遣騎
墜誨再披三讀恍如瞻清峻而聆淙琤也鳴弦幾
何時而學道愛人之聲與風俱來以儒飾吏故應

有此不敢望於他人者耳某老病幽屏道旁之櫟
過者不顧故人相存之意誼風凜然足以追舊俗
而回之感歎不足摧謝不荏悚仄悚仄

某再拜敬問契家玉姪即日恭惟尊穉受祉山則
有委不外大兄長孺前月二十一日已庇職南昌
小兒幼輿咸陽客舍每辱臨存尤感故意之長也
諸司惟俞漕甚厚今納一書因便送達契兄何待
於此餘皆無一日雅頌貺驟參至感微筆二十枝
聊伴空函報也

與俞運使

某惶恐白事故人南豐宰陳通直

名與先人同文
從仕從市

學政事加人數等所至吏畏其廉明民咏其慈惠
某與渠乃翁中書舍人安行兩同朝著情誼如骨肉
父子交游二十餘年此卽今宰劇邑盤錯根節
袞沸湯火隨身其間不敢不勉然非外臺獨有之
天憐以慶雲庇以萬間涵以滄海難乎免於今之
世矣某敢以為託渠今歲季夏方朞職耳三月之
間已有義聲年歲之間必有可觀恐差次部吏此
卽得在門闌桃李之下陳不勝幸願之至

與羅必先省幹

某伏自先文直閣過普州之後久不得書去歲十二月入城見益公云仲憲十月一日不祿聞問驚悼涕泗交頤不知到官幾月竟以何疾而終天文丈人三子十一孫惟先文仕官方將光顯而遽罹大故吾親萬里護喪經灩澦出巴蜀歸葬里間不使其父為旅櫬客魂千辛萬苦歷盡艱險可謂大孝老懷忽聞來歸悲喜交至歎重歎重久探無消息昨日得李周報老病之身久罷慶弔一二日間當遣幻輿奔慰先此奉唁且致薄奠更宣節哀以終大事不悉

谷羅必先省幹

某啓清曉已專僕奉䟽馳慰尋當聞達行李交至
伏展手筆赴告披讀流涕不勝悲愴護喪遠歸已
即宅里又為之喜也即辰秋寒云初緬惟息肩小
憩孝履支福乍歸豈無可委襄事有地有日否京
丞相親與其言渠家上世皆用浮屠法葬之水火
每歲寒食只來江臯醉酒三爵燒紙錢數束即是
上塚而京丈少年擢第致位左輔可以見郭景純
風水之說繆矣景純自遭王處仲所殺子孫亦無
顯者而後世猶惑於不識字之山人仲謀介卿宗